

princ~o (filo de princo); *hund*~o (naskito de hundino); *bov*~o estas *nematura bovo* Z; *la filoj, nepoj k pranepoj de reĝo estas reĝ*~oj Z; *la Hebreoj estas Izrael*~oj, ĉar ili devenas de Izrael Z; *la Napoleon*~oj esperis longe ricevi denove la tronon de Francujo Z; *brut*~o Z; *kreskaĵ*~o Z, *planti*~o Z.

II* Memstara samsignifa vortero. **1** Naskito, infano, filo : *geedzoj kun mullaj* ~oj. **2** Posteulo; postnepo post multaj generacioj : *ni estas ĉiuj la* ~oj de Adam. **3** (f) Disĉiplo : *la* ~oj de Apolono, de Orfeo, de Platono, de Lutero, de sankta Bruno. ~aro. **1** Aro de la homoj devenantaj de sama praavo. **2** Posteularo. **3** Disĉiplaro.

Ideo. Abstrakta koncepto de la spirito pri objektoj aŭ ecoj; pensajo, komprenajo : *havi nenian* ~on pri la muziko, pri justo k maljusto; *vera, falsa, ĝusta, klara, malklara* ~o; *per asociado de la* ~oj; ~oĉeno (~asocio); *estas neeble havi* ~on pri tia riĉaĵo Z; *ĉiuj tiuj* ~oj dancas, valsas en mia cerbo; *venis al mi en la kapon la* ~o, ke...; *bona* ~o venas post la perejo Z; *la* ~op ri arbo, Dio, lingvo internacia; *ni ne scias el kia lingvo Z prenis la* ~on de la nedifina prepozicio je; *entuziasmiĝi, batali, morti por* ~o; *la doktrino de Platono pri la* ~oj. Kp IMAGO, KONCEPTO, IDEALO. ~a. **1** Imaga; ekzistanta nur en la spirito, sed ne en la realo : *la* ~a mondo; ~a riĉeco (Kp AERA, ĤIMERA, VANA, SUBJEKTIVA). **2** Idealea (Ev). ~ismo. Filozofia sistemo, laŭ kiu la materia mondo estas ŝajno, ekzistanta nur en nia spirito, ne en la realo (Kp SUBJEKTIVISMO). ~isto. Adepto de la sistemo de ~ismo. Sam~ano. Tiu, kiu havas komunan ~on, komunan celon kun aliaj : *la esperantistoj sin salutas ordinare per la vorto « sam*~ano».

Ideala. Konforma al la ideo, kiun ni havas pri la perfekteco : ~aj formoj; ~a beleco, perfekteco; ~a virino. ~o. La plej alta perfekteco, kiun oni povas imagi sed neniam plene atingi : *la* ~o revita de la poeto; *konstanta paco estas plej nobla* ~o de la homaro. ~igi. Doni al io aŭ iu ~an karakteron : *ne estas bone tro* ~igi la mond^{on} k la homojn, ĉar tiu preparas kruelajn elreviĝojn. ~ismo, ~eco. **1** Celado al ~o, al perfekteco; senzorgo pri

la reala vulgara vivo (Kp SPIRITUALISMO). **2** Ideismo (Ev). **3** Koncepto pri arto kiel tradukanto de ia ~o, ne kiel sklavema imitanto de la realo (Kp REALISMO). ~isto Z. **1** Homo, kiu celas al ~o, ne zorgante pri la krudaj faktoj de la vivo (Kp REALISTO). **2** Ideisto. (Ev) Sen~a. Ne zorganta pri ~o, atenta nur pri la materia flanko de la mondo.

Identa. **1** Tute simila; sama : *esti* ~a kun io Z; *ambaŭ vortoj estas* ~aj Z; *la du kongresoj prenis* ~ajn decidojn; *la moralaj ecoj ne estas* ~aj ĉe ĉiuj homoj. Kp EGALA. **2** Ĝuste unusola, unusama k ne alia ol tiu, pri kiu temas; mema : *tio povas eble esti bazita sur tiu interna ideo, sed neniam esti rigardata kiel* ~a kun ĝi Z. ~eco. **1** Plena simileco; sameco : *la* ~eco de ambaŭ projektoj estas evidenta; ~eco pri la ideoj. **2** Eco de persono, kiu estas vere ne alia ol li asertas esti aŭ ol oni kredas, ke li estas; memeco : *starigi la* ~econ de akuzito; *pruvi sian* ~econ (Kp LEGITIMADO). ~igi. **1** Igi aŭ opinii ion ~a kun alia : *oni ne devas* ~igi registaron de iu ŝtato kun la popolo mem B; *la aktoro devas* ~igi sin kun la persono, kiun li ludas; *oni ne devas* ~igi iun ajn politika-religian kredon kun esp-o nek la liberpenson kun ateismo Z. **2** Trovi la veran individuecon de iu aŭ io : ~igi krimulon, kadavron; ~igi pentraĵon (trovi ĝian aŭtoron); ~igi nomon de loko (trovi la antikvan respondantan nomon). ~igi. Igi ~a kun iu aŭ io : ~igi kun sia modelo, rolo; *lia vivo preskaŭ* ~igis kun tiu granda entrepreno.

Ideografio. Sistemo de skribado, en kiu oni reprezentas ne la sonojn de la vortoj, sed la ideojn mem helpe de ĉiuspecaj signoj, desegnoj ktp : *la ĥinoj uzas ĝisnun* ~an skribadon. ~aĵo. Desegno aŭ signo reprezentanta ideon : *la ciferoj estas veraj* ~aĵoj.

Ideologio. **1** Scienco pri la deveno k formiĝo de la ideoj. **2** Idearo de iu : *mistika* ~o; *la* ~aj faktoroj ludas grandan rolon en la historio.

* **Idilio.** **1** Poemeto pri laŭnatura, kampara vivo, k plejofte pri naivaj amoj de pastisto : *la* ~oj de Teokrito, Vergilio; (f) ~a vivo, pejzaĝo. **2** Trankvila k naiva amo : *la sennuba* ~o de tia infanaĝo. Kp EKLOGO.